

2008 nr. 66 7. júní

Lög um Landeyjahöfn

Tóku gildi 12. júní 2008. Breytt með l. 162/2010 (tóku gildi 1. jan. 2011), l. 126/2011 (tóku gildi 30. sept. 2011) og l. 59/2013 (tóku gildi 1. júlf 2013).

Ef í lögum þessum er getið um ráðherra eða ráðuneyti án þess að mállefnasvið sé tilgreint sérstaklega eða til þess vísað, er átt við innanríksráðherra eða innanríksráðuneyti sem fer með lög þessi.

■ 1. gr. Markmið.

□ Markmið laga þessara er að styrkja samgöngur milli lands og Vestmannaeyja með því að setja reglur um uppbyggingu og rekstur ferjuhafnar í Bakkafjör í Landeyjum, Rangárþingi eystra, sem hefur hlutið heitið Landeyjahöfn.

■ 2. gr. Fjármögnum og yfirstjórn.

□ [Ráðherra]¹⁾ fer með yfirstjórn málefna Landeyjahafnar nema annað sé ákveðið í öðrum lögum og annast [Vegagerðin]²⁾ þátt ríkisins samkvæmt lögunum nema lög kveði á um annað.

□ Landeyjahöfn skal byggð og rekin fyrir framlög úr ríkisjóði eins og þau eru ákveðin í samgönguáætlun og fjárlögum hverju sinni.

¹⁾ L. 126/2011, 481. gr. ²⁾ L. 59/2013, 35. gr.

■ 3. gr. Eignarhald og rekstur hafnarinnar.

□ Landeyjahöfn er að fullu í eigu íslenska ríkisins.

□ [Vegagerðin]¹⁾ hefur umsjón með byggingu og rekstri Landeyjahafnar, ber ábyrgð á rekstri hennar og fer með verkefni hafnarstjórnar samkvæmt hafnalaögum. Notendum hafnarinnar er heimilt að skjóta ákvörðunum [Vegagerðarinnar],¹⁾ öðrum en gjaldskrárvörðunum, til [ráðherra].²⁾ Um málsmeðferð fer samkvæmt ákvæðum stjórnsýslulaga.

□ Með rekstri hafnarinnar er átt við forræði yfir höfn og hafnarsvæði, þ.m.t. uppbygging hafnarinnar, viðhald og rekstur.

□ Eignum og tekjum Landeyjahafnar má aðeins verja í viðhald og rekstur hafnarinnar.

□ [Vegagerðinni]¹⁾ er heimilt að gera þjónustusamning um rekstur hafnarinnar og hefur eftirlit með framkvæmd hans. Um hann gilda reglur um þjónustusamninga ríkisins.

¹⁾ L. 59/2013, 35. gr. ²⁾ L. 162/2010, 255. gr.

■ 4. gr. Eignarnámsheimild.

□ [Ráðherra]¹⁾ er heimilt að ákveða, að fengnum tillögum [Vegagerðarinnar],²⁾ að ríkið taki eignarnámi nauðsynlegt land fyrir Landeyjahöfn, enda komi fullar bætur fyrir.

□ Landeiganda ber að leyfa efnistöku í landi sínu á því efni sem þarf til hafnagerðarinnar, hvort heldur er grjót, möl eða önnur jarðefni, enda komi fullar bætur fyrir. Þá er [ráðherra]¹⁾

heimilt að ákveða, að fengnum tillögum [Vegagerðarinnar],²⁾ að ríkið taki eignarnámi land er þarf fyrir varnargarða meðfram Markarfljóti og Álunum og sjóvarnargarða, svo og land til þess að gera brautir og veggir er því tengjast.

□ [Ráðherra]¹⁾ afhendir [Vegagerðinni]²⁾ þau verðmæti sem tekin eru eignarnámi skv. 1. og 2. mgr.

□ Það er ekki skilyrði þess að eignarnám skv. 1. eða 2. mgr. geti farið fram að áður hafi verið leitað samninga um land við landeigendur, hvort sem er vegna lands eða efnistöku.

□ Um framkvæmd eignarnáms og ákvörðun eignarnámsbóta fer eftir lögum nr. 11/1973, um framkvæmd eignarnáms.

¹⁾ L. 162/2010, 255. gr. ²⁾ L. 59/2013, 35. gr.

■ 5. gr. Landgræðsla.

□ Landeiganda er skyld að heimila uppgræðslu sands á Bakkafjör í nauðsynleg er að mati [Vegagerðarinnar]¹⁾ og Landgræðslu ríkisins til að hefta sandfok við Landeyjahöfn og aðkomuvegi að höfninni án þess að til komi bætur. Mörk landgræðslusvæðis eru frá stórstrausfjörborði í suðri, Bakkaflugvelli og upp að Álunum í norðri, Markarfljóti í austri og vatnsleiðslu Vestmannaeyjabæjar í vestri.

□ Landeigandi hefur ekki heimild til að nýta land sem rækt- að er samkvæmt ákvæði þessu til beitar eða á nokkurn annan hátt nema með samþykki Landgræðslu ríkisins.

¹⁾ L. 59/2013, 35. gr.

■ 6. gr. Reglugerðarheimild.

□ Heimilt er að setja reglugerð¹⁾ um Landeyjahöfn þar sem m.a. mörk hafnarinnar bæði á sjó og landi eru nánar tilgreind, fram koma starfsheimildir hafnarinnar og heimild til umferðar á hafnarsvæðinu auk annarra atriða er varða öryggi, mengunarvarnir og slysavarir í höfninni.

¹⁾ Rg. 590/2010.

■ 7. gr. Gjaldtökuhemild.

□ Ráðherra er heimilt að setja gjaldskrá til innheimtu gjalda vegna kostnaðar við þjónustu og framkvæmd einstakra verka sem tengjast rekstri Landeyjahafnar. Um gjaldtökuhemild skal taka mið af 17. gr. hafnalaga, nr. 61/2003, eftir því sem við á.

□ Kostnaður við rekstur hafnarinnar greiðist að öðru leyti af framlögum sem ákvörðuð eru í samgönguáætlun í samræmi við ákvæði fjárlaga hverju sinni.

■ 8. gr. Gildissvið.

□ Par sem lögum þessum sleppir gilda ákvæði hafnalaga, nr. 61/2003, eftir því sem við á.

■ 9. gr. Gildistaka.

□ Lög þessi öðlast þegar gildi.